

ՀԱՅՐԱՊԵՏԱԿԱՆ ԿՈՆԴԱԿ ՀԱՅ ԱԶԳԻՆ

Մկրտիչ ծառայ Յիսուսի Քրիստոսի եւ անհասանելի կամօքն Աստուծոյ եպիսկոպոսապետ եւ կաթողիկոս ամենայն Հայոց ծայրագոյն պատրիարք համազգական Նախաժեծար աթոռոյ արարատեան առաքելական մայր եկեղեցւոյ սրբոյ կաթողիկէ Էջմիածնի:

Սիրելեաց Մերոց եւ օրհնեալ հարազատից Մայր Աթոռոյս համայնից հայազանց, Շնորհադարձ եղբօր Մերում եւ Դիտապետի Տանն Կիլիկիոյ Տ. Սահակ Ս. Կաթողիկոսի, Ամենապատիւ Սրբազան Պատրիարքաց Սերուսաղէմի եւ Կ. Պօլսոյ՝ Տ. Յարութիւն եւ Տ. Մաղաքիա Արքեպիսկոպոսաց, Հոգեգգօն թեմակալ Արքեպիսկոպոսաց, Գերաշնորհ եպիսկոպոսաց, Հոգեշնորհ փոխշնորհաց, բարեշնորհ վանահարց եւ վարդապետաց, Արժանապատիւ Աւագ երիցանց, Սրբանուէր քահանայից, Մաքրակենցաղ կուսանաց, Շնորհունակ սարկաւազաց, դպրաց եւ ամենայն ուխտի մանկանց եկեղեցւոյ, Պերճաշուք իշխանաւորաց, գերագնիւ աստիճանաւորաց, տոհմային ազնուականաց, պատուելի վաճառականաց, մեծապատիւ հոգաբարձուաց, յարգելի երեսփոխանաց, մեծարելի ուսուցչաց եւ ուսուցչուհեաց, ժրաշան երիտասարդաց, վաժտակասէր արհեստաւորաց, քրտնաշան մշակաց եւ երկրագործաց, պարկեշտասուն տիկնանց եւ օրիորդաց եւ ամենայն չափու հասակի ի Քրիստոս հաւատացելոց, արանց եւ կանանց, ծերոց եւ տղայոց, որք ծնեալ եւ սնեալ կայք ի ծոց Կաթողիկէ եկեղեցւոյս Հայաստանեայց, ողջոյն եւ օրհնութիւն յԱթոռակալէս Ս. Հօրն մերոյ՝ Գրիգորի Լուսաւորչի բազմասցի ի Ձեզ Ողորմութիւն փրկչին եւ շնորհ Ս. Հոգւոյն եղիցի ի վերայ համայնիցդ: Ամէն:

Ողջոյն Բեզ, եկեղեցի Հայոց, Նորոգեալ և զարդարեալ, քանզի ի Բեզ ծագեաց վերստին շողն աստուածային և վերացաւ ի Բէն քողն սգոյն: Ողջոյն Բեզ, տառապեալ ժողովուրդ Հայոց, որ տօնեա այսօր զտօն նաւակատեաց և ցնծութիւն Մօրն Բո եկեղեցւոյ ի շնորհս Մեծի Հովանաւորին Բո և Ամենաբարեպաշտ Կայսերն ամենայն Ռուսաց Նիկողայոսի Բ-ի: Ողորմութիւն աստուածային տարածեցաւ այսօր ի վերայ Բո յետ տառապանաց վերջին ամաց և փառազարդեցաւ եկեղեցին և մխիթարեցար դու լիապէս: Ժողովուրդ Հայոց, եւ ես Նորոգեալ ծերութեամբ իմով խնդակից փառաց իմոյ եկեղեցւոյ և ուրախակից հարազատիցդ՝ իմոց սիրելեաց, ողջունեմ Բեզ վասն մեծի շնորհացն Կայսերականի և շնորհաւորեմ զտօն ցնծութեան Բո: Օրհնեալ է Աստուած, որ խնայեաց յեկեղեցի Միածնի որդւոյ իւրոյ և ի սգաւոր ժողովուրդ նորա, ցնծացէք ընդ սաղմոսերգութիւն և ասացէք, «Տէր ի զօրութեան քում ուրախ եղիցի թագաւորն, ի փրկութեան քում ցնծասցէ յոյժս: Այլ և հա՛նապարզորդեմ զիմ նուազն առ Աստուած իմ «Բոհացայց զքէն, Տէր, բոլորով սրտիւ իմով, պատմեցից զամենայն պանչելիս քո, ուրախ եղէց և ցնծացայց ի քեզ, սաղմոս ասացից անուան քում Բարձրեար:»

Տառապանք քո և նեղութիւնք, զոր կրեցեր յանձին առ ի պաշապանութիւն սեփական իրաւանց եկեղեցւոյ քո սրբոյ ընդունելի եղեն յաչս Ամենակալ Տեառն զօրութեանց, որ շարժեաց սիրտ և զգութ արդարադատ Թագաւորին Մերոյ. զի սիրտ թագաւորաց ի ձեռս Աստուծոյ, և Ողորմած Կայսրն Մեր վերադարձոյց եկեղեցւոյ մերում զդարաւոր արտօնութիւնս նորա և շնորհեաց նմա զհոգ դաստիարակութեան զաւակաց քոց: Արդ որ արժանացար վերստին Մեծի վստահութեան Կայսերականի և շնորհաց յետ բաւական նեղսակրութեանց և տօնեա այսօր զտօն նաւակատեաց եկեղեցւոյ, յՐԷ լիցին քեզ աւուրք տառապանաց քոց, յՐԷ լիցին քեզ աւուրք

սգոյ քո, և դու ուխտեան առաջի Աստուծոյ սիրել յաւէտ և պաշտել զհարազատ Մայրն քո զսուրբ եկեղեցին Հայաստանեայց, ուխտեան սիրել զեղբայրն քո, զհարազատն և զհամազգին, կալ մնալ սիրով խաղաղութեամբ և համերաշխութեամբ ընդ միմեանս:

Իսկ ես ի մուտս արեւու իմոյ աղօթեմ և աղաչեմ զՄիածին բանն Աստուած, զի հաստատուն և յարատե պահեսցէ զՏաճարն իւր Սուրբ զմայր Աթոռն Հայաստանեայց, աղօթեմ, զի շնորհեսցէ Տէր կեանս երկարս և անփորձս Մեծի թագաւորին Մերում և կայսերն ամենայն Ռուսաց Նիկողայոսի Բ-ի, որ բանիւ հրամանի իւրոյ երարձ զքօղն սգոյ և տառապանաց եկեղեցւոյս և ժողովրդեանս: Ձեռն Տեառն ընկալցի զնա և բազուկ Ամենակալին զօրացուցէ զնա: Դու ևս մաղթեալ ի բոլոր սրտէ, զի Տէր զօրութեանց լիցի ընդ նմա ի տուէ և ի գիշերի, պահելով զնորին Մեծութիւն առողջ և անփորձ հանդերձ ժառանգօք և արքայազն հարազատօք: Եւ օրհնեսցէ Տէր զՁեզ զամենեսեանդ երկնային օրհնութեամբ ի տրիտուր ջանից Ձերոց և վաստակոց, զոր վաստակեցայք և աշխատ եղէք բանիւ և գրով, աղերսանօք և աղաչանօք շարժել զսիրտ Մեծի Միապետին խնայել եկեղեցին և ի մանկունս նորա: Տացէ Տէր ամենեցունցդ վարձս ըստ վաստակոց Ձերոց, աճեցուցանելով և բազմացուցանելով զՁեզ և զզաւակունս ձեր և պահեսցէ զՁեզ աննկուն հոգւով, սուրբ սրտիւ, հաստատուն հաւատով, միաբան սիրով և համերաշխ գործունէութեամբ ընդ հովանեաւ մօրն լուսոյ Ս. Էջմիածնի ի փառս Աստուածութեան իւրոյ: Ամէն, ի վերայ իսկականին ստորագրեալ է ՄԿՐՏԻՉ Կաթօղիկոս ամենայն Հայոց:

Տուաւ կոնդակս շնորհաւորական յամի շնորհաց Փրկչին 1905, յեօթներորդում աւուր ամսեանն Օգոստոսի և ըստ Տուժարիս մերում ՌԵՄԴԻ և Հայրապետութեան մերոյ ժբ ամի: Թ. 664. 'ի ք. Տփլիս: